

○脉症併言

大凡秘脉多大而結。

陽結沉實而數。

陰結脉伏遲或結。

老人及虛人便秘。脉如雀啄者不治。

秘結之症有實有虛有熱有風數者。雖是不同原其所因。蓋由飲食起居。攝養失宜。以致飲食之火。起於腸胃。淫慾之火。起於命門。三焦火熾。水虧所致。治療之法。除腸中實熱。宜以承氣湯之類。微利之。其餘並宜滋陰。水川勝火。熱使津液充流。而閉自解矣。

凡五味入胃。其清氣養臟腑諸陰。其濁質養臟腑諸陰。歸於人腸。司出而不納。若伏熱於內。則津液枯涸。腸中燥槁而閉結。

之症作焉。

治腸臟受風而作閉者。宜以產澁之劑主之。如活血潤燥丸之

類加減。

治中風氣閉以三化湯主之。方見三卷內

治血衰大便燥結不通以潤腸主之。方見三卷內

病虛熱骨蒸及產後發熱大便結者以參胡飲子主之。方見四卷內

治風閉血燥大便澁結法當疎風養血潤燥是以通關竅調火

瀉火通大便下結熱。

方活血潤燥丸

防風 七錢 羌活 五錢 皂角 五錢 桃仁 五錢

麻仁 二兩 川歸 二兩 大黃 一兩

右件共為細末。煉蜜為丸。如梧桐子大。每空心白湯下五七

十九。仍常用麻仁煮粥食之。○前合丸藥。用磁罐盛之。勿令泄氣。

治年老及虛人。并產婦失血。大便不通。以蜜導法。或豬胆法。或掩臍藥皆可。切勿進疎利藥餌。

方蜜導法

好蜜 四兩

右慢火煎十數沸。色深黃。滴水中。軟硬得所。夏熱火要多些。傾在水中。捏如大棗核。長寸餘。用六七枚。入穀道中。以布掩肛門口。須認糞至方可放布。不然蜜自化不通也。

方豬胆法

豬胆 一枚 好醋 一茶匙

右用小蘆管一箇。入胆帶中。以絲纏住。將蘆管入肛門內。漸

漸捏胆汁入腹中。自通。比蜜導捷便。

方掩臍法

葱帶土連鬚三根

生薑一塊

淡苳豉二十一粒

鹽二匙

右同研爛捏作餅子。掩在臍中。以帛扎定良久。氣透自通。不然再換一劑。或加麝香一分。

病脾氣壅滯腸胃乾燥。以致大便閉結。是以破壅滯之氣潤燥。

以通閉結也。

方麻仁丸

枳實一兩

厚朴一兩

杏仁一兩

麻仁二兩

白芍一兩

大黃一兩

右件修合如法。為細末。煉蜜為丸。如梧桐子大。每三十丸。溫

水服下得通勿服

○腸辟下血

夫食飲不節起居不時以陰受之陰受之則入五臟爲膜滿爲飧泄久爲腸辟蓋腸辟者爲水穀與血另作派如瀉桶湧出也又有臟毒乃風暑濕蘊毒臟腑下必瘀血腸風乃邪風入臟下必清血若糞前爲近血糞後爲遠血酒色過度亦能成此症也當裁奪之

○脉症備詳

經曰陰陽虛腸辟成

脉宜微小最忌洪數弦

凡大腸下血泄火用連翹清血以條芩小腸瀉血瀉火以木通清血用梔子全在詳其虛實不可妄執已見而缺人不淺

矣。

凡血出大便者。本方加紅花。側柏葉。條芩之類。以清之。或加地。

榆荆芥。白芷。茆花之類。以止之。

病風熱流入大腸。下血不止。以人參敗毒散主之。方見三卷內

治伏暑純下鮮血。以黃連香薷散。方見三卷內

病腸風下血。以槐花散主之。

方槐花散

槐花 側柏葉 荆芥穗 枳殼 各等分

右件依製修合為細末。米飲調二錢。空心服。

病腸風下血不止。必以散腸臟之風毒。涼下焦大腸之血熱。以

利大腸氣。收大腸血熱。以止血也。

方加減四物湯

防風 二錢

荊芥 八分

當歸 二錢

川芎 七分

地榆 一錢

生地 一錢

槐花 五錢

條芩 一錢

枳殼 八分

側柏葉 一錢

烏梅 二枚

生甘草 七分

右咬咀水煎熟空心温服。

〔病〕結陰便血一升再結二升三結三升以陰氣內結故不得通

行血氣無宗滲入腸下致使漸多以地榆湯。

〔方〕地榆湯

地榆 四錢

甘草 半生半炙三錢

縮砂仁 七枚

右咬咀水煎熟食前温服。

〔病〕大腸經氣鬱成濕熱下痢膿血是也。

〔治〕法宜散鬱氣除濕熱可也。經云辛可以散鬱苦可以勝濕是

以散鬱滯以去濕熱也。

方 枳殼湯

枳殼 去穢炒黃色五錢

黃連 一兩用槐花四兩酒炒拌去槐花不用

右咬咀水煎熟溫服。

治邪熱蓄血下焦大便閉結法當分行瘀血通大便以下結熱

以利下焦壅滯之氣。

方 當歸承氣湯

當歸 五錢

芒硝 四錢

大黃 五錢

厚朴 三錢

枳實 三錢

右咬咀水煎熟後入硝黃得利止服。

治腸澼下血以當歸和血之劑。

方 當歸和血散

槐花 炒

青皮 各七分

當歸 一錢二分

熟地黃

川芎

白木

各一錢

荆芥穗

升麻

各六分

右咬咀。水煎熟。食前溫服。

〔病〕大腸濕熱壅滯。挾血下血是也。

〔治〕法宜疎滯清熱導壅滯。以利大腸。壅鬱之氣滲濕收熱瀉火止血。以涼大腸也。

〔方〕槐花散

陳皮

一錢

厚朴

八分

枳殼

二錢

蒼朮

二錢

槐花

三錢

烏梅肉

一錢

生甘草

七分

當歸頭

二錢

右咬咀。水煎熟。溫服。

〔病〕腸澼下血。另作一瓜。瀉出有力。而遠射四散如篩。以地黃涼

血之劑。

〔方〕涼血地黃湯

卷之七

三七

熟地黃 二錢

知母

當歸 各一錢

青橘皮 七分

槐黃 炒五分

黃蘗 炒八分

如小便澀臍下悶或大便後重調木香檳榔末各三分

右咬咀水煎熟空心溫服。

病大腸濕熱迫血下行經云苦可以勝濕寒可以勝熱是以用

黃連等勝濕除熱散結以止血也。

方黃連丸

黃連 四兩

茯苓 一兩

阿膠 五錢

右件共為細末煎阿膠溶化成糊為丸每服米飲下三五十

丸黃連酒煮。

治去血過多面色痿黃以十全大補湯去桂主之 方見三卷內

病風傷腸臟鬱熱迫血下行言疔也。

治法宜散風疎壅清熱以寬大腸壅鬱之氣也

方枳殼散

荆芥穗

枳殼

槐花 各等分

右件共為末以稀粟米粥調五錢如人行一里許以粥壓之
日進三服

病宿有血症因時熱下紫黑色乃濕毒腸澼屬陽明少陽經血
症也以升陽補胃之劑

方升陽補胃湯

白芍藥

黃芪 各一錢

升麻 八分

羌活 各六分

生地黃

熟地黃

牡丹皮

甘草 炙各五分

獨活 六分

柴胡 五分

防風

葛根 各二分

當歸 四分

肉桂 二分

右咬咀。水煎熟。食前服。

治積熱便血。是以用蒼朮等之類。

方驅熱丸

蒼朮

一兩

陳皮

一兩五錢

連喬

一兩

槐角

二兩

黃栢

一兩

黃芩

一兩五錢

右為細末。以新鮮生地黃八兩。搗膏丸。如梧桐子大。每以白

湯。食前送下。三五十九日再服。

病風入腸目。純下清血。或濕毒下血。以胃風湯去桂加枳殼荆

芥。防風主之。

方見四卷內。

治腸風下血。以槐角丸治之。

方槐角丸

槐角

二兩

地榆

黃芩

當歸

防風

枳殼 各一兩

右件依法製度爲末。酒煮麵糊爲丸。如梧桐子大。每服三十丸。空心米湯送下。

病瀉血者。如泄瀉而下。以四物湯加黃連白朮主之。此與腸風下血不同。方見三卷內

○赤白濁

夫濁有赤白二色。皆因思慮過度。嗜慾不節。水火不交。精元失守。由是而成。赤者主血。乃心虛有熱。多因思慮而得之。法當清心生血。白者主氣。乃腎虛過慾而得之。法當滋補下元。仍須看上其狀。漩面如油。光彩不定。漩脚澄下。疑如膏糊。治之得使水火既濟。陰陽協和。精元自固矣。濕痰流注。亦有此疾。宜燥中宮之濕。肥人多有患此。法同一治。凡思慮不特傷心。亦能病脾。脾

生濕熱而腎不足。土邪于水。亦能令人便下渾濁。史云夏則土燥水濁。冬則土堅水清。明是火症。豈宜峻熱補劑。治法與赤白痢疾帶下頗同。大概濕熱為主。是其治也。

○脉症同明

兩尺脉洪數。必便濁失精。

男女尺脉清而弱。或洪數而促。皆為便濁白帶。

便濁。乃是濕熱下流。治宜燥濕清之。兼以清舉之劑。

如挾濕痰便濁。宜燥濕痰。用二陳陽。加蒼朮。亦兼以升舉之劑。

主之。方見三卷內。

便濁之症。有濕熱。有痰。有虛。二者之分。又有在氣在血之異。而以色赤色白為分。各有所原也。

如因濕熱。用蒼朮為君。蒼朮白朮為臣。少佐以參瀆之劑。

如因氣虛受病者。其濁色白。宜以四君子湯。加黃芪。蒼朮。陳皮。

君子湯。

二方俱見四卷內。

如便濁。小腹痛而不可忍。宜作寒治。用東垣酒煮當歸丸極

妙。

病。心虛蘊熱。小便赤澁。遂成赤濁。以導赤散主之。

方見六卷內。

治。濕痰白濁。法當燥痰導濕之劑。

方。半夏丸。

半夏

猪苓 各等分

右件。共為細末。麪糊為丸。如梧桐子大。每服五十丸。薑湯送下。

病。心虛有熱。小便赤濁。沙膜。以清心蓮子飲。加草薢主之。

方見三卷內。

病小便白濁頻數無度以草薺分清飲加白茯苓蓮肉主之。
方草薺分清飲

草薺 益智 石菖蒲 茯苓赤者用白 白者用赤

烏藥 甘草各等分 鹽少許

右咬咀水煎熟空心温服。

病因思慮過度以致心腎虛損便溺餘瀝小便白濁夢寐頻溺
是以用白茯苓等之類。

方伏兔丸

白茯苓二兩 石蓮子二兩 兔絲子一兩五錢用酒煮培乾

右件共為細末酒糊丸如梧桐子大每空心塩湯送下。

病小便白濁溺出髓條此乃心腎虛損所致是也。

方心腎丸

酸枣仁 一兩 白茯苓 破故紙 各二兩 益智仁 一兩

大茴香 五錢 牡蠣 一兩 人參 一兩 白朮 三兩

右咬咀共為細末。鹽酒打糊為丸。如梧桐子大。每服三五十丸。鹽湯送下。

〔病〕房勞過度。小便日數十次。稠如米泔。或赤或白。心神恍惚。瘦悴減食。以桑螵蛸等之類。

〔方〕桑螵蛸散

桑螵蛸 鹽水煮 遠志 菖蒲 龍骨 火燉 人參

茯神 當歸 鱉甲 各等分

右件依法製度。共為細末。每服二錢。人參湯調服。

〔治〕伏暑心經小。便赤濁。以人參香薷之類。

〔方〕人參香薷散

人參 白朮 赤茯苓 香薷 各一錢 澤瀉

猪苓 蓮心 麥門冬 各八分

右咬咀。水煎熟。食前溫服。

〔治〕白濁。小便如髓。條者。以酸棗仁之類治之。

〔方〕酸棗仁丸

酸棗仁 白朮 人參 白茯苓 破故紙

益智仁 八角茴香 左顧牡蠣 各一兩

右件。依法製度為末。青鹽酒煮麴糊為丸。如梧桐子大。每服

三十丸。溫酒米湯。空心送下。

〔病〕思慮傷心。赤濁不止。以瑞蓮丸治之。

〔方〕瑞蓮丸

白茯苓 蓮肉 龍骨 天門冬 遠志 當歸

栝子仁 紫石英 酸枣仁 龍齒各一兩 乳香五錢

右件依法修合為末。煉蜜為丸。如梧桐子大。辰砂為衣。每服

七十九丸。空心。惠湯送下。

病下虛白濁。或如米泔。或若凝脂。以閉精丸。或茯兔丸。

方閉精丸

牡蠣 兔絲子 龍骨生 五味子 白茯苓

韭子 白石脂 桑螵蛸各等分

右件依法製度為細末。酒煮麴糊為丸。如梧桐子大。每服七

十丸。空心。鹽酒下。

方茯兔丸

白茯苓三兩 兔絲子五兩 石蓮肉二兩

右件依法製度為細末。酒煮麴糊為丸。如梧桐子大。每服五

十九鹽湯空心下。

〔病〕心中客熱煩燥赤濁如肥脂以加減清心飲主之。

〔方〕加減清心飲

石蓮肉 白茯苓 各一錢 益智仁 遠志

麥門冬 石菖蒲 車前子 人參

白木 澤瀉 各七分 甘草 炙四分

右咬咀用燈心二分水煎空心温服。

〔治〕身重有痰白濁者以四七湯方見三卷內煎下青州白丸子

為愈。

〔方〕青州白丸子

白附子 天南星 各二兩 半夏 七兩已上俱生用洗

川烏頭生去皮臍五錢

右件共為細末以生絹袋盛於井花水內擺出如未出者以
手揉之令出其滓再研細入袋擺盡為度放磁盆內日晒
夜露每日一換新水盛著一日兩換攪而得澄春五夏二
冬十去水晒乾如玉片再研為末用糯米汁漬為丸如
荳大每服二十九生薑湯不拘時服癰瘕風疾用溫酒小
兒驚風薄荷湯送下三五丸。

治赤白濁遺精以珍珠丸主之。

方珍珠粉丸

真蛤粉

另研

黃蘗

瓦上炒赤色

右件各等分為細末和勻滴水為丸如梧桐子大每服一百
丸空心溫酒送下。

病濕痰成濁及肥人患此並以二陳湯加白朮黃蘗神麩蒼朮。

主之 方見三卷內

病氣血俱虛有痰白濁以補陰丸主之 方見本卷前

○夢遺

夫精元不守乃心火煩灼腎水衰之不能交泰以致相火翕然而動雖不交會亦精流而踈泄矣遺精者非交非夢精自流出之謂也有用心過度心不攝腎以致遺失有房勞太過滑泄不禁者有思欲不遂精氣失倫輸泄而出者有年壯氣盛久不御女精氣溢泄者或隨小便出或小便後出或不小便而自流出莖中痒痛與白淫相似夢遺乃夢與交合而泄虛火症也此遺精梢輕俱宜清心寡慾固澁真元不然斬成脫久爲骨枯不可療也治法可與前後二條參用。

○脉症備詳

心脉短少。因心虛所致。必遺精便濁。

經云。水液渾濁。皆屬於熱。是也。

遺精者。乃是陰虛生熱。治宜滋陰降火。兼收澁之藥。

大抵夢遺泄精二者。皆主乎熱。故金匱謂脫精。與帶下。頗同治。

是以多用青黛海石黃栢。或以八味湯。加減吞檮根丸。而

戴氏亦謂。因交而精泄者。謂之夢遺。宜加知母黃栢蛤粉。

青黛為丸。服若不固。夢交而精自泄者。謂之泄精。宜用黃

栢知母。降火。牡蠣蛤粉固精。皆相火所動。久成癆瘵。而究

斯理。微勗之。

治夢遺心悸。以溫膽湯。去竹茹。加人參。遠志。蓮肉。酸棗。仁。茯神。

主之。方見三卷內。

治夢泄遺精。以小草湯。間以妙香散。主之。二方俱見五卷內。

治遺精腰疼。以無比山藥丸。

方見五卷內。或滋腎大補湯主之。

方見六卷內。

病腎氣虧敗。不能攝精。致遺精滑泄。法當滋補腎元為本。固精

補腎止滑為標。次理氣血。各歸其所也。

方丹谿九龍丹

枸杞 四兩

芡實 三兩

蓮肉 二兩

茯苓 三兩

熟地 四兩

山藥 一兩

金蓮子 二兩

蓮蕊 一兩

川歸 二兩

右件共為細末。蒸餅丸。如梧桐子大。每以鹽湯下五七十丸。

為愈。

治精滑不禁。以小兔絲子丸。加龍骨牡蠣。

方小兔絲子丸

兔絲子 五兩

石蓮肉

白茯苓 一兩

山藥 二兩內一兩五錢打碎

右件共為細末。以山藥末入麩少許。打糊為丸。如梧桐子大。每服五十九。溫酒鹽湯空心任下。

病真氣不足。吸吸短氣。遺精盜汗。以金鎖正元丹治之。

方金鎖正元丹

五倍子 八錢

巴戟 一兩六錢

補骨 一兩

辰砂 三錢

肉蓯蓉

葫蘆芭 各一兩六錢

龍骨 二錢

白茯苓 八錢

右件共為細末。用酒煮麩糊為丸。如梧桐子大。每服二十九。

溫酒鹽湯送下。

病精氣虛滑。遺泄不禁。以玉鎖丹主之。

方玉鎖丹

龍骨

蓮花蓋

芡實

各一兩

右件依法製度共為細末。用熟山藥四兩去皮。研爛同烏梅去核。取肉一兩。微用水浸軟。研骨和勻為丸。如小荳大。每服三十九。空心米飲送下。

治遺精莖中庠。以草薢分清飲。加五味子。五倍子。牡蠣。龍骨。熟地黃。主之痛者。加炒山梔仁。黃蘗。方見本卷前。

○白淫

夫白淫乃思想無窮。所願不得。意淫于外。入房太甚。宗筋弛縱。發為筋痿。及為白淫。夫腎臟天。一以慳為事。志意內。治則精全。而瀆去。思外淫於居室太甚。則固有淫泆不守。隨洩溺而下。或聞淫語。或見女色。精自流出者。此為白淫也。然本於筋痿者以宗筋弛縱也。

[General Information]

书名=杏苑生春 二十七

作者=

页数=26

SS号=12764174

出版日期=